

DANA DIADHAIDH

AIR SON

OIGRIDH.

Air an Tiùndaidh bh. Bheurla

ISAAC WATTS, D.D.



EDINBURGH:

THORNTON AND COLLIE,

GÆLIC BOOK DEPOSITORY, 19, ST. DAVID ST.

1840.

PRICE THREE-HALFPENCE.



RANN AIR A BHIOBAL.

'S ann an am Biobal Dhé nam flath,
Tha diamhaireachd nan diamhaireachd ;
'S nèarachd iad air talamh thàmh
Dha'n tug Dia nan nèamhan gràs.
Leughadh le fiamh, le earbs' a's ùrnuigh,
'S na croinn fhosgladh 'chunadh iùil uap ;
Ach b'fheàrr dhaibh sin nach beirte riamh iad
'Leughas le sgeig 's nach creid a bhriathran.

DANA DIADHAIDH.



I.—*Dàn molaidh do Dhia.*

- 1 NACH glòrmhor an Rìgh nèamhaidh,
A ta riaghladh os ar ceann !
Nach dàn' an ni do leanabh òg,
Mu ainm ro mhor a sheinn ?
- 2 Ro mheud a neart co dh' ainmicheas,
No thuigeas meud a ghràis ?
Cha'n eòl do neach tha bhos no shuas,
A' còmhachadh 'na làth'r.
- 3 Cha'n eòl do dh' ainglean rùn an Triath,
No toil an Dia tha mòr ;
Ach fhacal naomh' co-lionaidh iad
Ri seinn gach ial an glòir.

- 4 Ach seinneam fonn le còisir Nèimh',
Is m' iobairt nochdam leò ;
Cha dèan an Dia tha sìorruidh naomh'
Tarcuis air naoi' ri ceòl.
- 5 Mo chridhe tograidh is freagraidh mi,
'S nì ainglean gàirdeachas
Ri cluinntinn cliù an Cruitheir àird
Bho leanabh bà mar mis'.



II.—*Cliù air son a' Chruthachaidh
agus an Fhreasdail.*


- 1 SEINNEAM cumhachd mhòrgha Dhé,
A rinn na sléibh-tean àrd,
'S a sgaoil an cuan bho chéin, gu céin,
'S a dhealbh na speuran àilt'.

- 2 Seinneam mu'n ghliocas sin a dh' àithn
 A ghrian 's an là thoirt soills' ;
 'S a ghealach dh' éirich 'nuair a b' àill.
 'S gach reull a tha san òidhch'.
- 3 Seinneam mu mhathas mòr a ghràidh,
 A lìon gach màgh le beath' ;
 Le fhacal rinn gach creutar fàs,
 'S thuirt e ro shar-mhath deas.
- 4 A Thriath be 'n t-iognadh t-obair leam
 Gach taobh d' an gabh mi beachd !
 Ma sheallas mi ach air an làr,
 No'n t-adhar àrd ma seach.
- 5 Cha 'n 'eil lus no ùr-rós feòir
 Nach eòl do d' ghlòir air fad ;
 Tha fé a's toirm a tigh'nn air neòil,
 Le òrdugh bho do theach.
- 6 Gach creutar (air an lion-mhoireachd)
 Fo d' chùram tha gu leur ;
 Is cha 'n 'eil ionad falaich ann
 Nach léir dhut féin a Dhé.
- 7 An nèamh le solus boillsgeidh e,
 'S le feirg an slochd a phéin ;
 'S leis an talamh tha fo'r bonn,
 'S an anail tha 'nar beul.
- 8 'S e làmh do ghnà is dìdeann dhomh,
 'S tha shùil da'm dhearc' gach tràth ;
 Cia fath mu 'n diùch'naichim an Triath,
 Tha fagus dhomh do ghnà ?

III.—*Dàn molaidh do Dhia air son ar Saoraidh.*

- 1 CLIU do 'n chumhachd ghlice, mhòir,
Do'n cheartas, a's do 'n ghràs,
A dh' obraich chum gu'n tearuinnt' fòs
Luchd dò-bheart bho sgrios bàis.
- 2 Dh' ith Adhamh am meas toirmisgte,
Agus bho ghlòir gu'n thuit ;
Air chor 's gu'n tharruinn sinn a chloinn
Gu bàs a's beul an t-sluichd.
- 3 Beannachd do 'n Dia a chuir a Mhac
An riochdamh fal' is feòl' ;
Thug e' bheatha féin air son
Gu 'm biodh sinn sona beò.
- 4 Thug e-san géill do cheartas nèimh,
Rinn sinne chuir air chùl ;
Air son ar peacaidh fhuair e bàs,
'S phaigh e'n éirig dhuinn.
- 5 Feuch ! e 'g éiridh as an uaigh ;
Feuch ! bhuaidhaich e gu h-àrd ;
A' guidh' an sin air son an t-shluaigh
Tha 'n cuibhreach chruaidh an sàs.
- 6 Air cathair ghlòrmhor tha e 'n dràs,
Agus le ghàirdean treun,
'S e dh' fhuasglas sinn bho ghlais ar nàmh,
Bho Shàtan is droch bheus.
- 7 Ach Thig an Triath chum breathanais,
Agus le guth àrd Rìgh
'Nuair dh' éigheas e, fosglaidh gach uaigh,
'S bidh luath-ghàir measg nan naomh.

8 Le h-aoibhneas o ! gu 'm faic mi gnùis
 A' bhreitheimh is mò a tà :
 'S a bhos an co-thional nan naomh,
 Gu seinn mi chliù gu bràch.



IV.—*Chliù air son Sochairean Aim-
 sireil agus Spioradail.*

- 1 'NUAIR choisicheas mi 'n rathad mòr,
 Nach lìonmhor bochd a chì !
 O ! ciod a dh'ìocas mi do Dhia
 A ta cho fial dhomh fhìn ?
- 2 Cha mhò na càch a choisinn mi,
 Ged thug mo Dhia dhomh còrr ;
 Tha agam beatha gu mo dhìol,
 'S tha iads' ag iarraidh lòn.

- 3 'S iomadh leanabh th' air an t-shràid
 Gu'n fhàrdach tha leth rùist' !
 Ach agam-sa tha trusgan blàth,
 Is fuachd cha tar dhomh dlù !
- 4 An uair tha truaghain bho chd gun àit'
 An gabh iad tàmh a bhos,
 Tha agam dachaidh nì rium bàigh,
 A's leabaidh bh làth gu fois.
- 5 'Nuair dh' fhòghlum iadsan mionnan trà,
 Agus cuid chàich a ghoid,
 'S e dh' fhòghlum mise reachd mo Dhia,
 As triall na fhiamh am feasd.
- 6 Mar so tha t-fhabhar dhomh gach là
 Gu mòr thar chàch 's gach nì :
 'S bhuineadh dhomh le tuille gràidh,
 Bhi taingeil dha mo Rìgh !

V.—*Dàn molaidh air son Gineamhuinn agus Fòghluim an Tìr Chrìosduidh.*

- 1 'DHIA mhòir ! 's an dut a sheinneam cliù,
 'S ann dut a bhuineas tùs mo lò ;
 An toiseach m' aimsir molam thu,
 Gus an dèan ùin' nì's feàrr mo cheòl.
- 2 'S ann leis a' ghràs a dheònaich thu,
 A fhuair mi bith am Breatainn mhòr,
 Far am beil sruthan tròcair dlù,
 A's briathran binn na slàinte beò.
- 3 Cha mhalartainn mo dhùthaich féin
 Air son Pheru air meud a h-òir ;
 Tha luach nì's mò agam san tìr-s',
 Is feàrr na maoin nan Innsean mòr.

- 4 Is mòr mo thruas ri sluagh tha thall
 Le ain-eolas ro-dhall nan còir ;
 Gun luaigh air nèamh no ifrinn shìos,
 Air sìth gun chrìoch, no ionad bròin.
- 5 Do gheallaidhean glòrmhor, a Thriath !
 Tha beothachadh m' earbs' is mo rùin ;
 'S do luchd-teagaisg orm ag iarraidh
 Mi sheachnadh a phian as mù.
- 6 Do chliù-sa nì mi ghnàth a luaidh,
 Oir nochd thu 'n rathad suas gu nèamh ;
 'S cha triall mi anns an t-shlighe thruaigh,
 Oir fhuair mi sonas buaidh bhuat féin.

VI.—*Cliù air son an t-Shoisgeil.*

- 1 'DHIA cuiream féin as leth do ghràis,
 'S cha'n ann á dàn, mar nì luchd-saoibh,
 Gu 'n ghineadh mi'n tìr Chrìosduidh àigh,
 'S nach ann measg Phàganach gun iùil.
- 2 Ciod bheireadh rìghrean Iùdhach féin
 Is fàidhean Iùdhach uap' a chionn,
 Gu'n cluinneadh iad an sgeula binn,
 A dh' aithris Crìosda dhuinn o nèamh.
- 3 Cia sona bhiodh na cinnich fòs,
 Tha 'g aoradh do dhée gorach breig',
 Nam faiceadh iad an Leabhar beò
 No Ios' a's Soisgeul glòrmhor Dhé.
- 4 Ri Shoisgeil-san nan cuirinn cùl,
 O ! cia mar thogainn sùil 'na dhéigh ?
 Oir bhiodh na Geintelich gun iùil
 'S a bhreathanas ga m' chiuradh geur.



VII.—*Dàn air Oirdhearcas a' Bhiobuil.*

- 1 'DHE mhòir, le h-ioghnadh agus cliù,
T-uil' obair tùraidh mis' ;
Ach 's ann 'na d' Leabhar Naomba 's léir
Do chumhachd threinn ro ghlic.
- 2 A ta gach reull tha g-imeachd shuas,
A' teagasg sluaigh le h-iùil ;
Ach t-fhacal sheòl e m' anam truagh
Mar gheibh mi suas gu d' chùirt.
- 3 Tha mhachair thorrach làn de bhiadh,
A' nochdadh t-fhialachd mhòr ;
Ach t-fhacal naomh a' bheatha fhìor
A mhaireas sìor an glòir.

- 4 'S ann an tha m' ionmhas falaichte,
 'S mo chomhfhurtachd a' tàmh ;
 'S e nì mo mhiann a shàsachadh,
 'S e m' uile dhòchas àrd.
- 5 Thoir orm' a Thriath gu'n tuig mi'n reachd,
 A Sheallas dhomh gach béud ;
 Oir 's ann a d' Shoisgeul gheibh mi steach
 Seòl mathanais dhomh féin.
- 6 'N so gheibh mi brath mar bhàsaich Crìosd
 Gu m'anam dhìon o ghò ;
 'S cha d' innis leabhar eile riabh
 Mu mhìorbhuilean cho mòr.
- 7 Do 'n Bhiobul bheir mi spéis ni's mò,
 A's gheibh mi sòlas ùr
 Ann 'bhi 'ga leughadh anns an lò,
 'S an òidhch' d'a mheòraich dlù.

VIII.—*Cliù do Dhia a dh' ionnsaich
 dhuinn Leughadh.*

- 1 THA mi toirt molaidh dhut, a Dhé,
 A theagasg leughadh dhom-s',
 'S eòlas air do Shoisgeil féin
 Bhi agam-sa cho òg.
- 2 'S air son gu'n d' fhuair mi fios cho trà,
 Gun robh mi'n gabhadh mòr,
 'Thaobh nàduir agus cleachdaidh gnà,
 Do chiont am thrail gach lò.
- 3 'S gu'n tugadh mi gu faicinn ceart,
 Nach dèannain dad air chòir ;
 Is eòlas air dhol sabhailt as
 On nàmhaid th' air mo thòir !

- 4 A Thighearn' tha do leabhar féin
Gam sheoladh far am faigh
Mi gràs, a's mathanas, gu saor,
A nì mi naomha glan.
- 5 So tuigidh agus leughaidh mi
Mu Chrìosda, Mac ar Dé,
Mar thuirinn es-an chum ar dìon ;
Le ìocadh fhala féin.
- 6 A nise tha e riaghladh shuas ;
'S tha buaidh a' Spioraid naoimh'
A' tigh'nn a nuas a measg an t- shluaigh,
Ri nochdadh luach a ghaoil.
- 7 O' gu'n seòl an Spiorad sin,
Le tuigse cheart mo chrì,
Gu creidsinn anns an t-Shoisgeil bheò,
Bheir sòlas aig a' chrìch.
- 8 An sin do sheinneam cliù do'n Triath,
An cian a bhios mi beò ;
Air son gu 'n d' fhuair mi facal Dhia,
'S nì'm bì e diamhain dhomh-s'.

IX.—*An Dia Uile-leirsinneach.*


- 1 A THIGHEARN mhòir is léir do d' shùil
Tre dhuthar dlù na h-òidhch',
'S gach rùn a 's diamhair tha 'n ar crì
Chì thus' e mar san t-soills'.
- 2 Cha chuir sinn peacadh ann an gnìomh,
'S cha chan sinn briathar olc,
Nach eil 'n ad leabhar sgrìobhta sìos
Mar fhianais air ar lochd.

- 3 An sin gu feum gach ciont a' rinn
 Bhi foillsichte gu léir ?
 'S a bhi làn-rùist' fo shùil a mhic,
 A's ainglean glice Dhé ?
- 4 Aig stòl do choise tuiteam sìos,
 Le fiamh cha sheall mi suas ;
 Ad leabhar dubh mo pheacadh trà,
 Mas dèan am bàs mi truagh.
- 5 O ! cùimhnich uile phiantan bàis
 Mo Shlànuigheir tha shuas,
 Oir glanaidh fhuil gach peac' a's gràin,
 Mar shneachd is àille snuadh.
- 6 Cuir mi ann am faicill buan
 Mas altrum mi smuain ole,
 Cha 'n fhalaichear ni air Dia nan sluagh,
 A sgrìobhas luath gach lochd.

X.—*Nèamh agus Ifrinn !*

- 1 THA ionad còmhnaidh anns an speur
 Flath-innis éibhinn ghràidh,
 'S théid muinntir naomh'n tra théid iad eug,
 Do shaoghal Dhé gu h-àrd.
- 2 Tha ionad uabhais ann an sin,
 Far am beil pian gu 'n chrìoch ;
 Far 'bi peacaich a measg dheamhnan,
 Glaist' ann an slabhraidh dhian.
- 3 O ! an tàr neach truagh mar a ta mis
 'Dhol as o'n uabhas mhòr ?
 Le dòchas math aig uair mo bhàis,
 Gu 'n téid mi suas gu glòir ?

- 4 Fòs dèanean ùrnuigh riut a Dhé,
 Feagh bhios am chré an deò,
 Gu 'n fhios nach toir an diugh am bàs,
 Mi leis gu àit' a' bhròin !



XI.—*Smuaintean mu Dhia agus mu 'n Bhàs.*

- 1 Tha Dia ann a ta riaghladh shuas,
 Triath nèimh' na talmhainn, a's a' chuain ;
 'S fiamh leam fhearg, iarram a ghràdh,
 'Sle mo bhillibh seinnean dha.
- 2 Tha reachdan ann a sgrìobh e dhuinn,
 A sheòlas ciod a nithear leinn ;
 Ni m' anam d'a chuid àintean strìochd',
 Oir tha iad naomha, ceart, a's fìor.
- 3 Tha Soisgeul ann tha làn de ghràs,
 Bho faigh gach peacach furtachd trà ;

Dhia 's aithreach leam gach olc a rinn,
Do reachdan glic chuir mi neo-sgoinn.

4 Tha uair ann anns am faigh mi bàs,
'S cha 'n fhios do dhuine c'uin', no c' àit',
Tha miltean de chloinn òig gach là
A dol do 'n chaol-taigh fhuar a thàmh.

5 O ! dèanam feum de dh' uair na slàint'
Mu'n imich tharais là nan gràs ;
'S an uaigh cha mhathair peac' gu bràch
'S cha nochdar tròcair dha 'na bhàs.

6 Mar ghearrar craobh sa choilltich fhàs
Mas tuath, no deas, gu laidh air blàr ;
Mar sin théid duine nèamh, no sìos,
'Nuair gheibh e bàs, do réir a ghnìomh'.

XII.—*Feumalachd na Diadhachd Thràthail.*

1 Is sona 'n t-òg an tùs a lò,
A ghabhas fòghlum glic ;
A' seachnadh slighe peacaidh 's gò,
A's rathad mòr an sgrios.

2 'Nuair nochdas sinn ar n' òig' do Dhia,
'S ciatach sin 'na shùil ;
Luibhean mhaoth' an tùs am fàis,
Bhi nochdadh dha an tùis.

3 Is obair shocrach agus réidh
Géill thoirt do'n Tighearn òg ;
Mas cruadhaich peacaich nan droch bheus,
Gu 'n tròcair Dé ri'm beò.

- 4 Nì e ar dìon o' mhìle beud,
Spéis thoirt do dhiadhachd òg ;
Nì gràs ar dìon ri fad ar rè,
Is treun an subhailc chòir.
- 5 Dhut féin, o Dhé, tha treun an neart
Bheir sinn ar leanabachd suas,
Trà bhios sinn aosda gabhaidh tlachd
'S na laithean a chaidh uainn.
- 6 O ! gur h-e fonn na h-ùrnuidh 's cliù,
A bhios gu dlù na m' bheul :
'S a nì mi deas fa chomhair bàis,
Gu trà ge d' reachainn éug.

XIII.—*Dàn Air cunnart na Dàlach.*

- 1 C'AR son a theirinn—" Is ro luath
Bhi'g iarraidh nèimh no smuainteach bàis ?"
'S gun searg an t-ùr-rós tric gu 'n bhuain,
'S nach 'eil a' bheatha thruagh-s' ach gearr.
- 2 Ma nì mo chridhe aingidh truagh
Tàir air guth nèimh' a 's uair na slàint',
Theag' gu 'n fàs mi 'n droch-bheirt cruaidh,
'S gu 'n cumar tròcair bhuam gu bràch.
- 3 Cìod dé ma ghabhas Dia rium fearg,
Mar leugh 's mar iarr mi ainm gach là,
'S as déigh sin nach éisd a chluais
Aon ùruaigh bhuam air latha chràidh.
- 4 Cìod dé ma lasas fhearg da m' thaobh,
'Nuair dhiùltas mi a thairgse gràis
'S gu 'n tionndadh 'uile ghràdh gu fraoch,
'S gu 'm buail e mi gu faotainn bàis.

5 Is dàn' bhi dùsgadh corraich Dhia,
 A dhìoghaltas cha 'n eòl do neach,
 Nì strachd de shlait a chorraich mhòir,
 Peacaich òg a sgrìos air fad.

6 Is diamhain dhoibh an sin gu bràch
 Bh' g' iarraidh gràidh no tròcair air,
 No saoghail iarraidh mar a bha
 No gnùis an t-Shlànuigheir am feasd.



XIV.—*Eiseimpleir òg Chràbhaidh.*

- 1 CIA son' an samhladh gheibheir linn,
 Sgrìobhta 'san Fhìrinn àigh,
 Mu òigrìdh ghabh de chràbhadh sùim ;
 'S a chùm air chuimhn' e tràth !

- 2 Iosa féin tha riaghladh shuas,
Ge buadhach e 'na neart,
Bha e òg mar leanabh maoth,
'S chum e an Naomh-reachd.
- 3 Mu dhusan bliadhna theagaisg e,
('S ghabh Iùdhaich ioghnadh mòr)
Ach guth a mhàthar fhreagair e,
A's thàinig e da còir.
- 4 Sheinn clanna-bheag Hosanna binn,
'S cliù da'n Slànuighear féin,
Chuir onair air le glòir an cinn,
Ach Sgrìobhaich thug dha beum.
- 5 Bha Samuel 'na leanabh òg,
A' feathamh òrduigh Dhé,
A's Timothy mu'n d' fhàs e mòr
Ghrad fnòghlum e lagh nèimh'.
- 6 Ach c'uim' an cuirinn féin mo dhàil
'S an ni rinn càch cho òg,
Cha chaith mi tuille dheth mo là
Ach aoram dha le deòin.

XV.—*Dàn an aghaidh nam Breug.*

- 1 O ! b'e ni taitneach e do'n òige,
Triall gach lò an slighe 'ghliocais,
Le fuath do'n bhreig 's spéis do'n fhìrinn,
'S creidear brìgh gach ni a their iad.
- 2 Bho bhreugairean cha chreid sinn facal,
Ged do chanair leò an fhirinn ;
'S am fear a dhealbhas aon bhreug shalach ;
Chum a falach nithear trì leis.

- 3 Nach cuala sibh bhi tric a leughadh,
 Mar 's fuath le Dia luchd na ceilge,
 'S mar bhuaileadh Ananias màrbh leis ;
 Gu grad sa' bhreug shearbh na bheul-sa.
- 4 'S mar a dh' éug a bhean Saphira,
 'Nuair thàinig i steach gu treubhach ;
 Chum nam breugan sin a chòmhdach,
 A rinn a fear-pòsd' a' cheud uair.
- 5 'S toigh leis an Tighearn' an fhìrinn,
 'S dh' innis e gu'm biodh gach breugi r ,
 Air an tilgeadh san t-shlochd mhillidh
 'M bi 'm pronnasg na theine 'g éiridh.
- 6 O gu 'm biodh fair' air mo bhilibh,
 Mun tilgear mi 'n ionad leir-sgrios,
 As leabhar cùimhn' aig Dia ga chumail,
 'N téid breugan na cloinn' a leughadh.

XVI.—*An aghai' Connsachd agus Carraid.*

- 1 BIODH coin ri tabhann a's ri teum,
 'S e òrdugh Dhé gu 'm bì ;
 Biodh tuirc a's leomhainn dol a shreup
 Oir 's nàdurrach dhoibh strì.
- 2 Ach clann cha chòir dhoibh 'leithid sin,
 Do dh' fheirg a bhi nan cré ;
 Cha deach' an làmhan beag a dhealbh
 Gu srachdadh shùl a chéil'.
- 3 Biodh gràdh 'n ur n' uile ghiùlan,
 A's ciùin bhur n' uile chainnt ;
 Bi'bh beò mar Mhac na h-Oighe sin,
 An leanabh còir gu'n mheang.

4 Bha anam ciùin mar uan gu 'n bheud,
 'S mar dh' fhàs e meud gach lò,
 Dh 'fhàs e 'm fàbhar slòigh da réir :
 A's Athar féin an glòir.

5 'S e Triath nan uil' e nise shuas,
 'S bho chathair uasail àird
 Chì e clann tha soitheamh, suaire,'
 'S leis féin iad uair am bàis.



XVII.—*Gràdh eadar Bràithrean agus
 Peathraichean.*

1 GED thàrlas buaireadh air an t-shràid,
 Bu chòir do gràdh bhi steach ;
 Far am bì clann aon phàrantan
 'S nàr dhoibh bhi ri gleachd'.

- 2 Tha eoin nan geug nan neadan réith
 'S nach nàr an sealladh leinn
 'Nuair ch'è sinn clann aon teaghlaiche,
 Ri caonnaig dhaobhaidh thruim !
- 3 Cha'n 'eil san ana-cainnt an tòs,
 Ach gaoth a n'è mor fhuaim ,
 Ged 's tric a ruisg i claidh' an dòrn,
 Gu mort a's dòlas truagh.
- 4 Fàgaidh 'n Diabhol neach na nàmh
 Do mhac a mhàthar féin,
 'S mar sin a bhuaire Cain bà,
 Gu bhràthair a chuir eug.
- 5 Fàsaidh fearg an duine ghlice
 Fuar mas tig an òidhch' :
 Ach ann an cridhe 'n amadain
 Gu madaínn lasaidh sgoinn
- 6 Ar reasgachd leanabaidh maith, a Dhé,
 'S a'r co-strì buin air falbh ;
 A chum 'nuair dh' fhàsas sinn am meud
 Gu'm bì deagh-bheus 'nar sealbh.

XVIII.—*An aghaidh Fochaid agus
 Aithnisgean.*

- 1 RINNEADH ar teang' gu moladh Dhé
 'S cha 'n ann thoirt beum d' a shlògh ;
 'S ged bheirear ana-cainnt dhuinn féin,
 Cha toir sinn beun na còir.
- 2 Is còir gach briathar dreamasach
 A smachdachadh san sgoil,
 'Neach their ri bhràthair " Amadain :"
 'S cunnart dha an t-shlochd.

- 3 Ach bilibh tha cho dìamhain,
 'S gun dèan iad sgeig no tàir' ;
 Air nithibh no air daoine naomh,
 Gheibh iad nan daobhachd bàs.
- 4 'Nuair thug a chlan a bh'air an raon
 Do 'n h àidh aosda beum
 Agus a thuirt iad ris gu baoth :—
 “ Gabh suas fhir mhaoil leat féin !”
- 5 Rinn Dia grad chasg 'chuir air an cainnt,
 'S chuir dà thorc-choill' nan car,
 A reub gach cas, a's lámh, a's ceann,
 'S a sgrios air ball iad as.
- 6 'Dhia mhòir ! is uabhasch tha thu,
 An làthair pheacach òg'
 Thoir dhomh do ghràdh is teagaisg dhomh
 Mo theang' a chumail fòil.

XIX.—*An aghaidh Mallachaidh agus Mionnan agus a' toirt ainm Dhé an Dìamhanas.*

- 1 THA na h-ainglean ann an glòir.
 Ri aoradh gach lò do Dhia !
 'S tha crith-uabhais air luchd dò-bheirt
 An ionad na dorainn shìos !
- 2 Nach dàn' an ni do chloinn mì-dhiadhaidh
 T-ainm-s' a thoirt dìamhainn nam beul,
 'S an àm an corraich nì griasad,
 Ri mionnan dian agus toibheum.
- 3 Cia mar sheasas iad n'ad làthair,
 'Rinn mar so tàir' ort a Dhé,
 'Nuair 'nì thu 'n tìlgeadh do 'n àite
 'M bì teine ga 'n cràdh gach ré.

- 4 'S cha'n fhaigh iad deur uisge gu bràch,
 Gu'n teang' a bhàthadh á péin ;
 Ach molam-s' thu Dhia an dràs'd'
 'S a rithist gu h-àrd air nèamh.
- 5 Bidh mo chrì am pian 'nuair chluinn
 Mi daoidh ri toirt dhut mì-chliù ;
 Ged' tha orm-sa romhad fiamh,
 Athair shìorruidh am beil m' ùidh.
- 6 Ma bhios mo chompaich mì-naomh,
 Treigeam an sluagh baoth nach fiach ;
 'Nuair bhios iad ri toi-bheuman faoin,
 Ri mionnan caoich agus mì-rian.



XX.—*An aghaidh Diamhanais
 agus Do-bheirt.*

- 1 CIA dìcheallach an seilean beag
 Trath dh' éireas grian gu h-àrd,
 A' tional meala fad an lò
 Bho lusan òg fo bhlàth.

- 2 Nach innleachdach a rinn e nead,
 'S nach grinn a sgaoil e chéir !
 Ri saothair chruaidh gu 'stòr a chleith
 Gu freasdal air 'na fheum.
- 3 Ri obair onarach, no ceaird,
 Gach là bidh mise dlù ;
 Oir gheibh an Sàtan obair dhuinn,
 Mas diamhainn bhios ar n-ùin'.
- 4 Ri leughadh, no ri cluich gu 'n ghò,
 Theid bliadhna m'òige thart—
 Le earbs' gu 'n toir mi as gach lò
 Fa-dheoidh mòr chunntas ceart.

XXI.—*Dàn An aghaidh droch Chuideachd.*

- 1 C'ARSON a dhéanainn cluich le gràisg,
 Nach àil leam bhi mar rium ;
 Luchd-mhionn nach strìochd do Dhia nan gràs ;
 Luchd-càinidh a's droch cainnt.
- 2 'S fuath leam òran amaideach,
 Do'm chluais 's neo-thaitneach fhuaim,
 Bu thruailleadh air mo theanghaidh leam
 Cainnt dhrabasdach a luaidh.
- 3 Bho amadanan théid mi thaobh,
 Cha chaomh leam bhi 'nan còir ;
 Ach le luchd-gliocais gluaisidh mi,
 'S bi'dh sin 'na bhuannachd dhom-s'.
- 4 Bho aon droch leanabh a bheir beum,
 Fòghlumaidh ceud an dòigh,
 Nì caora ghalarach an tréud
 A chuir bho fheum fa-dheoidh.

- 5 Mo Dhia is fuath leam dhol an còdhail
 Pheacach òg gu'n suim ;
 O ! na leig mi do shlochd a' bhròin,
 Far' beil luchd do-bheirt cruinn.

XXII.—*Dàn an Aghaidh uaill á Eideadh.*

- 1 C'ARSON a mheudaicheadh ar n'uaill
 Mu'n bhrat fhuair Adamh làtha chruais,
 Cha robh iomradh riabh air pròis
 Gus na pheacaich Eubh an tòs.
- 2 Cho luath 's a chuir i trusgan suas,
 Chaidh brat a h-ionracais thoirt uaip' ;
 'S tha clann gu gòrach dèanamh uaill
 Mu'n ni sin rinn am fàgail truagh.
- 3 'S ro ionmhuinn leinn ar trusgain nuadh',
 A thaisbeanadh an làthair sluaigh ;
 A bh'air an durraig dhìblidh fhuair
 Seal ma'n do chuir sinn iad suas.
- 4 Tha 'n lilidh a's ann dealan-dé
 An culaidh 's sgiamhaich' no mi féin,
 'S ged chuirinn orm gach uile sheud,
 'S e blàth an fhoir is bòidhche spéis.
- 5 'S ann bhios mo chridhe féin an tòir,
 Air buadhan inntinn bhi 'n am chòir ;
 'S e eòlas, subhailcean, a's deagh-bheus,
 A chulaidh 's sgiamhaiche fo'n ghréin.
- 6 Is tuille cha toir cnuimh orm buaidh,
 Sud trusgan nan aingle tha shuas,
 'S an uair bha Mac Dhé bhos 'san fheoil,
 Bha 'n trusgan beannaicht-s' air gach lò.

7 Cha 'n fhàs e sean, 's cha'n fhàs e fann,
 Cha dèan leoman cron air ann ;
 Chaidh cha laidh air smal no ball,
 Ach 's feaird e chaitheamh gach aon àm.

8 'S e bhios orm an so rim' bheò,
 'S théid min nèamha leis fa-dheoigh,
 Taitnidh e ri Rìgh nan sluagh,
 An Tì a rinn e 'na bhrat buaidh.



XXIII.— *Umhlachd do Pharantan.*

- 1 A CHLANN air am beil eagal Dé,
 Luchd-teagaisg éisdibh fòs ;
 Thugaibh urram agus géill
 D'ar Pàrantan gach lò.
- 2 Nach cuala sinn gach uabhas,
 Th' air a bhagairt leis an Triath,

Air fear 'nì air reachd athar tàir ;
No sgeig air màthair chaoimh.

3 Nach mòr an ciont a th' air a' cheann,
'S tha ainm fo mhallachd dian,
Do dh' fhithich 's iolairean nan Gleann,
Bi'dh shùilean-san mar bhaidh.

4 Ach iadsan a bheir glòir do Dhia,
'S da 'm Pàrantan bheir spéis,
Air talamh gheibh iad saoghal buan,
A's sòlas shuas air nèamh.


XXIV.—*Gearan an Leinibh.*

1 C'ARSON a bhiodh mo spéis cho mòr
Air cluich a's gòraich fhaoin,
Gu'n smaoin air nèamh, no ionad bròin,
Gun aoradh do mo Rìgh.

2 Am Biobul tha mi leughadh fòs,
Gu fòghlum toil mo Dhé,
Ach am bì m'eòlas dol ni's mò,
Gu'n ùmhlachd dho do réir.

3 Neo-thùrail tha mo chridhe bà
'S mo smuaintean dìambain trom,
Gabh truas ri laigse leinibh tràth,
'S math dhomh gach ole a rinn.

4 Thoir orm gu 'n cluinn mi guth na slàint',
'S bi'dh m' aoradh riut gach lò,
Oir cumaidh Dia a chluais gu caomh
Ri naoidheachan ri ceòl !



XXV.—*Laoidh Mhaidne.*

- 1 A DHE a's tu thug air a ghréin,
Bhi 'g eiridh gach aon là,
Gu solus thoirt do'n chruinne-ché,
Nuas bho na speuran àrd,
- 2 A seòmraichean na h-àirde-'n-Ear
Moch thig i mach gu triall,
'S cha ghabh i sgìos, no tàmh, no fois,
Gu laidh i anns an Iar.
- 3 O ! mar a' ghrian gu'n co-lionainn
Gnìomh mo latha féin ;
'S gu'n tòisichinn mo thurus trà
Gu flaitheas àluinn Dhé.
- 4 Thoir dhomh-sa Dhia do ghràsan trà
'S na leig le m'anam caoidh,
Gum bì og-mhadainnean mo lài
Gu'n stà gan caithidh leam.


XXVI.—*Laoidh Fheasgair.*

- 1 Tha latha eile bhuainn air triall,
 Seinneam a Dhia dhut ceòl,
 'S do thròcairean ag inns', a Thriath,
 Do fhreasdal fialaidh dhomh-s.
- 2 Tha m'aimsir a' dol as gu cas,
 Mo pheacadh 's mòr a shuim,
 'Dhia thoir dhomh mathanas gu pailt
 A's neart ri fad mo linn.
- 3 Mo chollainn tuiteadh sìos gu suain
 'S biodh t-ainlean 'ga mo dhìon,
 'S gu 'n teich an dorchadas so bhuan
 Biodh iad mu'n cuairt mo chinn.
- 4 Le cridhe taingeil dùinidh mi
 Mo shùilean anns an uair-s',
 'S a mhadainn o! ma dhùisgeas mi,
 Bi'dh m'ùrnuigh a' dol suas!

XXVII.—*Laoidh air son Madainn Latha
 an Tighearna.*

- 1 So an latha dh'éirich Crìosd,
 Bho glàsaibh dìon a' bhàis,
 'S c'arson a bhiodh mo shùilean duint',
 A' caithidh m'ùin gu'n stà.
- 2 'S ann an diugh chuir Crìosd fa-sgaoil,
 Croinn Ifrinn a's a' bhàis.
 'S cùing Shàtain c'uim' an giulain-ainns'
 Le toirt do'n pheacadh gràdh.

- 3 An diugh théid Crìosduidhean gu léir
Do naomh-thaigh Dhé gu'n chàird,
A chluinntinn briathran nam binn sgeul
'S théid mi féin ann trà.
- 4 Ri faoineis leanabaidh cuiream cùl,
Gu ùrnuigh pillidh mis',
'S an latha so caitheam air chòir ;
Is feàrr na lò air bith.



XXVIII.—*Laoidh air son Feasgar Latha
an Tighearna.*

- 1 'S ro thaitneach an sealladh so leinn
'Faicinn mor-shluaigh 'g aoradh binn
Gu leir ag ùrnuigh a's a' seinn
'S a' teagasg slighe nèimhe dhuinn.

- 2 Bha mis' an sin 's bu mhath bhi ann,
B'e coltas nèimh air talamh leam,
'S cha leig mi le sòlas gun chiall,
Bhi cuir as m' aire latha Dhia.
- 3 O ! sgrìobh air clàr mo chridhe' Dhé
Do theagasg naomha, glice, féin,
'S cha bhris mi sin do lagh le deoin
Ach bi'dh mo ghràdh dhut' fàs ni's mò.
- 4 Le smuain air Crìosd a's nithibh naomh,
Lìonair suas mo chridhe baoth ;
'S le feartan fhala luach-mhoir féin
Gheibh mi tròcair bhuat-s' a Dhé.

NA DEICH AINTEAN ANN AN DAN.

1. Na géill do Dhia sam bith ach mi.
2. Do dh' iomhai-bhreig' a chaoi' na strìchd.
3. Ainm mòr do Dhé na luaidh gu faoin.
4. Cuimhnich a' Shàbaid choimhead naomh.
5. Do d' pàrantan thoir onair mhòr.
6. Is neach air bith na mort le d' dheoin.
7. Bho neo-ghloin' cum thu-féin gu'nlochd.
8. 'S na goid ged' bhios do staid gu bochd.
9. Is fianais bhreig' na toir air neach.
10. 'S na sanntaich cuid do choimhearsnaich.

FINID.

37131 048 623 086

GAELIC CATECHISMS, &c.

Printed and Sold

BY THORNTON AND COLLIE,

EDINBURGH.

The Assembly's Shorter Catechism, Price 1d.
Proof Catechism, 2d.

The Mother's Catechism, 1d.

Mother's Catechism, *Gaelic and English*
new corrected edition, in stiff cover, 4d.

Watts' Divine Songs for Children, 1½d.

Brown's Short Catechism for Children, 1½d.

Colquhoun's Sacramental Catechism, 6d.

Thomson's Sacramental Catechism, 6d.

A History of the Animals mentioned in
Scripture, with elegant engravings, 9d.

Pilgrim's Progress.

Boston's Fourfold State.

*A liberal Allowance to Schools and Societies;
and orders from the country, with cash,
or respectable reference, promptly attend-
ed to.*